

Inzko se sastao sa Bašićem: „Formiranje vlasti se mora ubrzati“



Tempo formiranja vlasti je neprihvatljivo spor, izjavio je visoki predstavnik i posebni predstavnik EU u Bosni i Hercegovini, kada se danas susreo sa vršiteljem dužnosti predsjedatelja Zastupničkog doma BiH Adnanom Bašićem u Sarajevu.

Visoki predstavnik i posebni predstavnik EU Inzko istaknu je da se pregovori o formiranju koalicije moraju hitno ubrzati, te da stranke moraju okončati postojeći zastoje. „Političari su od birača dobili mandate da upravljaju ovom zemljom. Oni gube vrijeme igrajući igre moći, kada bi trebali početi sa rješavanjem pitanja koja postaju urgentnija svakim danom: borba protiv kriminala i korupcije, ekonomski oporavak i povratak na program reformi za integraciju u EU i NATO.“

Visoki predstavnici i posebni predstavnik EU Inzko kazao je vršitelju dužnosti predsjedatelja Bašiću da je međunarodna zajednica spremna pomoći, ali da međunarodna zajednica ne može formirati vlasti umjesto bosanskohercegovačkih političara. „Oni moraju pokazati odgovornost, odlučnost i spremnost za kompromisna rješenja, kao u svakom demokratskom, višestranačkom sustavu,“ kazao je visoki predstavnik i posebni predstavnik EU Inzko.

Konstatirajući da je BiH već ratificirala Konvenciju UN-a o

pravima osoba sa invaliditetom 18. prosinca 2009. godine, visoki predstavnik i posebni predstavnik EU Inzko i vršitelj dužnosti predsjedatelja Zastupničkog doma Bašić su razgovarali o zastoju u provedbi ove Konvencije.

„Osim uspostave Vijeća za osobe sa invaliditetom – čiji članovi, međutim, još uvijek nisu imenovani – nadležna državna ministarstva su uradila malo po ovom pitanju. Ohrabrujem nove vlasti, kada budu uspostavljene, da ovo pitanje stave na dnevni red.“